



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

IBANGA LE-12

ISIZULU ULIMI LWASEKHAYA (HL)

IPHEPHA LESITHATHU (P3)

FEBRUWARI/MASHI 2013

AMAMAKI: 100

ISIKHATHI: amahora ama- $2\frac{1}{2}$

Leli phepha linamakhasi ayisi-7 sekuhlangene ne-ANNEXURE.

IMIYALELO KWABAHOLWAYO

1. Leli phepha lehlukaniswe IZIQEPHU EZINTATHU:

ISIQEPHU A:	Izindaba	(50)
ISIQEPHU B:	Imibhalo emide edlulisa imiyalezo	(30)
ISIQEPHU C:	Imibhalo emifishane edlulisa imiyalezo	(20)

2. Phendula umbuzo OWODWA esiqeshini A, OWODWA esiqeshini B kanye noWODWA esiqeshini C.
3. Bhala usebenzise ulimi ohlolwa ngalo.
4. Qala umbuzo NGAMUNYE ekhasini ELISHA.
5. Bhala uhlaka ekhagini lephepha lakho lokuphendula imibuzo. Uhlaka malube sekhasini lwalo lodwa. (Indaba kuphela edinga uhlaka.)
6. Ungasebenzisa isikhathi sokubhala ngale ndlela elandelayo:

ISIQEPHU A:	Amaminithi angama-80
ISIQEPHU B:	Amaminithi angama-40
ISIQEPHU C:	Amaminithi angama-30

7. Ungaziguqli izinombolo zemibuzo. Zibhale njengoba zinjalo ephepheni lemibuzo.
8. Nikeza impendulo yakho isihloko esiyifanele lapho kudingeka khona. Amagama esihloko awabalwa, kubalwa amagama empendulo.
9. Qaphelisia ubhalomagama kanye nokwakheka kwemisho.
10. Bhala ngobunono nangesandla esifundekayo.

ISIQEPHU A: (Izindaba)

- Ubude bendaba

Bhala ngamagama angama-340 kuya kwangama-390.

QAPHELA: Bhala isihloko sendaba oyikhethile.

ISIQEPHU B: (Imibhalo emide edlulisa imiyalezo)

- Ubude bombhalo

Bhala ngamagama ayi-100 kuya kwayi-120.

QAPHELA: Bhala uhlobo lwalowo mbhalo owuphendulayo.

ISIQEPHU C: (Imibhalo emifishane edlulisa imiyalezo)

- Ubude bombhalo

Bhala ngamagama angama-80 kuya kwayi-100.

QAPHELA: Bhala uhlobo lwalowo mbhalo owuphendulayo.

ISIQEPHU A: IZINDABA**UMBUZO 1**

Khetha isihloko ESISODWA kwezilandelayo ubhale ngaso indaba ibe ngamagama angama-340 kuya kwangama-390.

QAPHELA: Ungakhohlwa ukwenza uhlaka lwendaba yakho ngoba lunamamaki.

- 1.1 Bhala indaba uchaze ngokubaluleka kokugcina izindawo esihlala kuzo zihlanzekile.

Yinike isihloko indaba yakho.

[50]

- 1.2 Bhala indaba ngalesi sihloko esilandelayo:

Ubuhle Nobubi Bokuba Khona Kwezimboni Zaphesheya ENingizimu Afrika.

[50]

- 1.3 Bhala indaba ubeke imibono yakho ngokumele kwensiwe ngezindawo ezakhelene nezikole ezidayisa utshwala nezidakamizwa.

Yinike isihloko indaba yakho.

[50]

- 1.4 Bhala indaba ngalesi sihloko esilandelayo:

Umshayeli Wetekisi Owenza Uhambo Lwami Lwaba Yimpumelelo.

[50]

- 1.5 Bhala indaba usebenzise la mazwi alandelayo njengesihloko:

'Ngangiyophelelaphi Ukube Ngaqhube Nalowo Mshungu Wezinswelaboya.'


[50]

- 1.6 Bhala indaba uvumelane noma uphikisane nalesi sihloko esilandelayo.

abantu Abanangi Amathenda Bangogombela Kwesabo.


[50]

- 1.7 Bukisisa lesi sithombe bese ubhala indaba yakho ngaso. Yinike isihloko indaba yakho.



[50]

- 1.8 Bukisisa lesi sithombe bese ubhala indaba yakho ngaso. Yinike isihloko indaba yakho.



[Move! 27 July 11]

[50]

AMAMAKI ESIQEPU A: 50

ISIQEPHU B: IMIBHALO EMIDE EDLULISA IMIYALEZO**UMBUZO 2**

Khetha isihloko ESISODWA kwezilandelayo ubhale ngaso kube ngamagama ayi-100 kuya kwayi-120.

- 2.1 Umzala wakho uthole ithuba eliyingqayizivele lokuyodlalela iqembu lesizwe.

Bhala **incwadi** yokumhalalisela uphinde umbonise ngokubaluleka kokuziphatha kahle njengoba esezoba usaziwayo. [30]

- 2.2 UnguNobhala wekomiti lezobuCiko naMasiko esikoleni senu. Leli komiti lihlele ukuba nomcimbi wokugubha usuku IwezobuCiko naMasiko. Nibe nomhlangano wokudingida iminininingwano yalo mgubho.

Bhala **amaminithi** alo mhlangano ahambisane **ne-ajenda** yawo.

Nazi izihlokvana ongazisebenzisa ukubhala amaminithi omhlangano: Indawo, isikhathi, usuku, ukuvula, ababekhona, Izixoliso, amazwi kasihlalo, ukufundwa kwamaminithi, ezivuka emaminithini, ezosuku, ezingxube ukuvala. [30]

- 2.3 Uyintatheli yephephandaba elidumile, uxoxisane nosaziwayo othize esidlweni sasemini obusihlelile. Engxoxweni yenu ube usumphonsa imibuzo ethile ebekulindeleke ukuthi ayiphendule.

Bhala **i-inthavyu** obe nayo nalo saziwayo. [30]

- 2.4 Ubone isikhangisi sesikhala somsebenzi esikhishwe ephephandaben yinkampani yabamel. Le nkampani idinga umuntu oqeleshelwe ukugcina amabhuku. Makabe nesitifiketi semfundo ephakeme kwezokugcinwa kwamabhuku kanye nolwazi Iwekhompyutha,

Bhala **incwadi yokuzazisa (CV)** ozoyithumela kule nkampani ukuze ubesethubeni lokuthola lo msebenzi. [30]

AMAMAKI ESIQEPHU B: 30

ISIQEPHU C: IMIBHALO EMIFISHANE EDLULISA IMIYALEZO**UMBUZO 3**

Khetha isihloko ESISODWA kwezilandelayo ubhale ngaso kube ngamagama angama-80 kuya kwayi-100.

- 3.1 Umngani wakho osanda kuthola iziqu zobuthishela ukuthumelele umbiko ngomakhalekhukhwini ekucela ukuba ubeyisikhulumi sosuku emcimbini wakhe wokubonga.

Phendula umngani wakho ubhale **iphosikhadi** umqinisekise ukuthi isicelo sakhe uyasemukela. [20]

- 3.2 Uvule ibhizinisi lokudayisa ukudla edolobheni langakini.

Bhala **iflaya** ukhangise ngezinhlobo zokudla ozidayisayo ukuze uhehe abantu bazothenga ebhizinisini lakho. [20]

- 3.3 Umfowenu obefake isicelo somsebenzi wokufundisa esikoleni iSofunda Secondary School ubizelwe inhlolokhono (i-inthavyu) kulesi sikole. Ucele ukuba umyalele indlela yokuya kulesi sikole njengoba esegalaji iSiyathela Petrol Station.

Yalela umfowenu usebenzise **inkombandlela kanye nezinkomba onikezwe zona** EKUSINGEZELELO A (ANNEXURE A) ukuze akwazi ukufinyelela eSofundo Secondary School. [20]

AMAMAKI ESIQEPHU C:	20
AMAMAKI ESEWONKE:	100

ANNEXURE A INKOMBANDLELA